

3. Yuav ua li cas thiaj li yuav mus ntsib tau kws kho mob los sis thiaj li yuav mus kho tau mob

Kev Xa Mus Kho Mob los sis Mus Ntsib Kws Kho Mob

Koj tus thawj kws kho mob (PCP) los sis ib tus kws kho mob uas paub txog ib yam mob zoo yuav xa koj mus ntsib ib tus kws kho mob rau ib yam mob nyob hauv lub sij hawm uas muab teev rau hauv ntu ntawv hais tias "Kev mus siv tau kev kho los sis mus ntsib tau kws kho mob sai" uas muaj nyob hauv phau ntawv ntawm no, yog koj yuav tsum tau mus ntsib. Ib tus kws kho mob uas paub txog ib yam mob zoo yog ib tus kws kho mob uas tau muaj kev kawm ntau txog ib yam mob. Koj tus PCP yuav nrog koj sib tham los mus xaiv ib tus kws kho mob uas paub txog

ib yam mob zoo. Cov neeg ua hauj lwm ntawm koj tus PCP lub chaw ua hauj lwm yeej pab teem tau ib lub sij hawm rau koj mus ntsib tus kws kho mob uas paub txog ib yam mob zoo.

Lwm cov kev kho uas koj tus thawj kws kho mob yuav tsum tau xa koj mus siv yog muaj cov kev kho uas tsis tau pw hauv tsev kho mob, cov kev mus xoo hluav taws xob (X-rays), thiab kev kuaj ntshav, kuaj quav, los sis kuaj zis.

Koj tus PCP yeej muab ib daim ntawv teev npe rau koj nqa mus rau tus kws kho mob uas paub txog ib yam zoo. Tus kws kho mob uas paub txog ib yam mob zoo yuav muab daim ntawv teev npe sau kom tiav thiab yuav muab xa rov qab mus rau koj tus PCP. Tus kws kho mob uas paub txog ib yam mob zoo yuav kho koj mus kom txog qhov uas lawv xav hais tias lawv yeej tseem yuav tsum tau kho koj.

Yog koj muaj ib qhov teeb meem rau ntawm txoj kev noj qab nyob zoo uas koj yuav tsum tau siv ib qhov

saib xyuas tshwj xeeb ntev ntev mus, koj tus thawj kws kho mob yuav tsum muaj ib tsab ntawv xa koj mus siv qhov kev pab tshwj xeeb ntawd uas yeej tsis muaj lus qhia hais tias yuav tag sij hawm rau thaum twg. Qhov no txhais hais tias koj yeej mus ntsib tau tus kws kho mob uas paub txog ib yam mob zoo ntawd ntau tshaj li ib zaug uas koj yeej tsis tag yuav tag yuav tsum tau muaj ntawv xa koj mus rau txhua zaus uas koj yuav mus ntsib nws li.

Yog koj tus thawj kws kho mob tsis kam sau ib tsab ntawv xa koj mus uas yeej tsis muaj lus qhia hais tias yuav tag sij hawm rau thaum twg los sis yog koj xav tau Anthem cov lus tswj hais txog kev xa neeg mob mus ntsib cov kev kho mob uas paub txog ib yam mob zoo, hu xov tooj mus rau peb Lub Chaw Pab Tswv Cuab hnuv Monday mus txog Friday thaum 7 teev sawv ntxov mus txog 7 teev tsaus ntuj ntawm tus xov tooj hu dawb **800-407-4627 (TTY 711)** los sis

888-285-7801 (TTY 711) yog koj yog cov tswv cuab nyob hauv Los Angeles.

Koj yeej tsis tag yuav muaj ib tsab ntawv xa es koj thiaj li yuav mus siv tau:

- Kev mus ntsib PCP
- Kev mus ntsib Tus Kws Kho Mob Rau Cov Poj Niam Yug Me Nyuam/Kws Kho Mob Rau Cov Kab Mob Ntawm Poj Niam Lub Cev (OB/GYN)
- Kev mus ntsib kws kho mob rau cov mob uas yuav tsum tau kho sai los sis cov mob uas yuav tsum tau kho tam sim
- Cov kev pab uas tsis xav kom neeg paub rau cov neeg laus, zoo li kev kho cov neeg uas raug lwm tus neeg yuam deev
- Cov kev pab kom muaj me nyuam zoo li tsev neeg txoj kev npaj (yog xav paub ntxiv, hu xov tooj mus rau Office of Family Planning Information and Referral Service (Lub Chaw Khiav Hauj Lwm Rau Kev Pab Kom Muaj Me

Nyuam Zoo Li Tsev Neeg Txoj Kev Npaj thiab
Kev Xa Mus Ntsib Cov Kws Kho Mob Uas
Paub Txog Ib Yam Mob Zoo) ntawm

800-942-1054)

- Kev kuaj saib puas muaj kab mob HIV thiab kev pab tswv yim (rau cov neeg muaj 12 xyoos los sis laus dua)
- Kev kho cov kab mob sib kis los ntawm kev sib deev (rau cov neeg muaj 12 xyoos los sis lau dua)
- Kev kho cov neeg uas lawv muaj tej leeg nqaij los sis pob txha sav (yuav tsum tau muaj ntawv xa yog yuav mus siv cov chaw kho mob uas muaj cai tsim nyog tau nyiaj pab lawm ntawv tsoom fwv (FQHC), cov chaw kho nyob deb hauv nroog (RHC), thiab cov kev faj seeb rau kev kho mob uas tus neeg muaj (IHCP) uas tsis muaj ntawv cog lus nrog peb)

- Kev soj ntsuam txoj kev noj qab nyob zoo ntawm kev xav thawj zaug

Cov me nyuam uas tsis tau muaj kaum yim xyoo yeej mus siv tau tej cov kev pab uas yuav tsis tau pw hauv tsev kho mob rau txoj kev noj qab nyob zoo ntawm kev xav, rau cov kev pab uas tsis xav kom neeg paub, thiab rau kev quav yeeb quav tshuaj uas lawv yeej tsis tag yuav tsum tau kev tso lus los ntawm niam txiv li. Yog xav paub ntxiv, mus nyeem “Cov kev pab rau cov me nyuam tsis tau muaj kaum yim xyoo uas yuav tsum tau muaj kev tso lus los ntawm niam txiv” thiab “Cov kev pab rau kev quav yeeb quav tshuaj” uas muaj nyob hauv phau ntawv qhia ntawm no.

California Tsab Cai Uas Npaj Coj Los Ua Kom

Muaj Kev Xa Mus Kho Kab Mob Khees Xaws Sib

Npaug Zos Rau Txhua Tus Neeg

Txoj kev yuav kho tau cov kab mob khees xaws

uas muaj ntau qhov teeb meem los cuam tshuam

yeej yog nyob ntawm saib cov teeb meem uas
muaj yog muaj ntau npaum li cas, suav nrog rau
qhov hais tias yeej kuaj pom meej hais tias yog
muaj tus mob zoo li cas tiag thiab txoj kev mus
kho tau sai nyob ntawm ib tus kws kho mob uas
paub zoo txog kab mob khees xaws.

Yog koj tus kws kho mob yeej kuaj pom hais tias
koj muaj kab mob khees xaws, California Tsab
Cai Uas Npaj Coj Los Ua Kom Muaj Kev Kho Kab
Mob Khees Xaws Sib Npaug Zos Rau Txhua Tus
Neeg uas muaj tshiab yeej pub koj thov kom koj
tus kho mob xa koj mus siv kev kho kab mob
khees xaws nyob ntawm ib lub chaw kho kab
mob khees xaws uas muaj ntawv cog lus nrog
Anthem thiab yog ib lub chaw uas Lub Chaw
Muaj Kev Tshawb Fawb thiab Kev Kawm Txog
Kab Mob Khees Xaws Nyob Hauv Teb Chaws
Meskas (NCI) tau muab tso hais tias yog ib chaw
kho kab mob khees xaws, ib lub chaw khiav hauj

Iwm nrog NCI Community Qhov Kev Pab Cuam
Rau Kev Tshawb Fawb Txoj Kab Mob Khees
Xaws (NCORP), los sis ib lub chaw muaj kev
kawm txog kab mob khees xaws uas tsim nyog.

Yog Anthem yeej tsis muaj ib lub chaw uas muaj
ntawv cog lus nrog thiab yog ib lub chaw uas
NCI- yeej muab tso hais tias yog chaw kho kab
mob khees xaws li, Anthem yuav pub koj thov
kom muab koj xa mus kho kab mob khees xaws
rau ntawm cov chaw kho kab mob khees xaws
ntawm no ib lub uas tsis muaj ntawv cog lus
nrog Anthem nyob hauv California, yog hais tias
ib lub ntawm cov chaw kho kab mob khees xaws
uas tsis muaj ntawv cog lus nrog Anthem thiab
Anthem yeej poom zoo rau qhov kev them nqi,
tshwj hais tias koj ho txiav txim mus ntsib ib tus
kws kho khees xaws txawv.

Yog koj tus kws kho mob tau kuaj pom hais tias
koj muaj kab mob khees xaws lawm, hu rau

Anthem mus nug saib koj puas tsim nyog mus
siv tau cov kho los sis kev pab uas ib lub ntawm
cov chaw kho kab mob khees xaws ntawm no
muaj.

4. Cov kev kho thiab cov kev pab

Medi-Cal cov kev kho uas Anthem yuav them

**Cov kev pab los sis kev kho (pab kom mus tau
kev) uas tus neeg yuav tsis tau pw hauv tsev kho
mob**

***Kev soj ntsuam txoj kev noj qab nyob zoo ntawm
kev nco tau ub tau no***

Anthem yeej them qhov nqi rau ib qhov kev soj
ntsuam cov tswv cuam uas lawv muaj 65 xyoos los
sis laus dua thiab yeej tsis muaj cai tsim nyog mus
siv tau ib qhov kev soj ntsuam zoo li no coj los ua ib

feem ntawm qhov kev mus ntsib kws kho mob rau txoj kev noj qab haus huv hauv lub xyoo los ntawm Qhov Kev Pab Cuam Medicare. Ib qhov kev soj ntsum txoj kev noj qab nyob zoo ntawm kev nco tau ub tau no yeej yog ib qhov kev ntsuas uas muab siv coj los kuaj saib puas pom tus neeg muaj tej yam dab tsi qhia hais tias nws muaj kab mob Alzheimer los sis dementia (kev nco tsis tau ub tau no).